

Na osnovu člana 16. stav 4. Zakona o Vladi Zeničko-dobojskog kantona (Prečišćeni tekst) („Službene novine Zeničko-dobojskog kantona”, broj 7/10 i 3/23), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 38. sjednici, održanoj dana 02.08.2024. godine, d o n o s i

ZAKLJUČAK

I.

Prihvata se Mišljenje Ministarstva za poljoprivredu, šumarstvo i vodoprivredu broj: 05-1-02-12024-2/24 od 29.07.2024. godine po inicijativi poslanika Elmina Šabanovića u Supštini Zeničko-dobojskog kantona za izmjenu člana 13. Zakona o šumama („Službene novine Zeničko-dobojskog kantona, broj: 8/13, 1/15 i 5/21).

II.

Zaključak sa Mišljenjem iz tačke I. ovog Zaključka, upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/24
Datum, 02.08.2024. godine
Zenica

PREMIJER
po ovlaštenju

Jasmin Čajić

DOSTAVLJENO

1x Ministarstvo za poljoprivredu, šumarstvo i
vodoprivredu,
1x Stručna služba Skupštine,
1x a/a.



Broj: 05-1-02-12024-2/24
Zenica, 29.07.2024. godine

Vlada Zeničko-dobojskog kantona, u prilogu akta broj: 02-1-02-12024-1/24 od 02.07.2024. godine, Ministarstvu za poljoprivredu, šumarstvo i vodoprivredu Zeničko-dobojskog kantona dostavila je akt Struče službe Skupštine Zeničko-dobojskog kantona broj: 01-02-12024/24 od 01.07.2024. godine, sa Inicijativom za izmjenu člana 13. Zakona o šumama („Službene novine Zeničko-dobojskog kantona“, broj: 8/13, 1/15 i 5/21), Elmina Šabanovića, poslanika u Skupštini Zeničko-dobojskog kantona, pokrenutu na 27. sjednici Skupštine Zeničko-dobojskog kantona održanoj 27.06.2024. godine, Ministarstvo za poljoprivredu, šumarstvo i vodoprivredu daje slijedeće:

MIŠLJENJE

Predlaže se Vladi Zeničko-dobojskog kantona da ne prihvati predloženu inicijativu poslanika u Skupštini Zeničko-dobojskog kantona Elmina Šabanovića za izmjenu člana 13. Zakona o šumama („Službene novine Zeničko-dobojskog kantona“, broj: 8/13, 1/15 i 5/21).

Naime, predmetnom Inicijativom predlaže se izmjena člana 13. Zakona o šumama („Službene novine Zeničko-dobojskog kantona, broj: 8/13, 1/15 i 5/21), shodno zahtjevu Mjesnih zajednica Babinskog sliva, da se isti dopuni tako da se i fizičkim licima omogući obavljanje određenih radova u šumama uz prethodno ishodovanje odgovarajućih dozvola i poštivanje propisanih procedura, jer je članom 13. Zakona o šumama pravo na obavljanje radova u šumama ograničeno isključivo na pravna lica i obrt, dok je fizičkim licima ova mogućnost onemogućena, jer navedena restrikcija stvara prepreku za aktivno uključivanje lokalnog stanovništva u očuvanju i upravljanju šumskim resursima, kao i za razvoj lokalne ekonomije kroz šumarske aktivnosti.

Ističemo da je Skupština Zeničko-dobojskog kantona na 31. Sjednici održanoj 25.02.2021. godine, donijela dopunu člana 13. Zakona o šumama („Službene novine Zeničko-dobojskog kantona“, broj: 8/13 i 1/15), tako da se iza tačke 19. dodala tačka 20. koja glasi: „Fizičko lice registrovano za obavljanje poslova u šumarstvu je obrt registrovan kod nadležnog općinskog organa za poslove šumarstva koje u stalnom radnom odnosu ima uposlenog jednog diplomiranog inženjera šumarstva (VII stepen stručne spreme), odnosno mastera diplomiranog inženjera šumarstva (Bolonjski sistem studiranja) sa najmanje dvije godine radnog iskustva u struci“.

Što se tiče predložene inicijative za izmjenu člana 13. Zakona o šumama smatramo da ista nije opravdana iz razloga što svi poslovi u šumarstvu (šumsko-uzgojni radovi, iskorištavanje šuma i radovi na održavanju i izgradnji šumskih komunikacija i pratećih radova), podliježu postupcima licitacije za ustupanje i izvođenje radova u šumarstvu i što se propisivanjem odredbi za izvođače radova u šumarstvu za pravna i fizička lica (obrtničke djelatnosti), nastojalo da se adekvatno vrši kontrola izvođenja dodijeljenih radova u šumarstvu zapošljavanjem lica sa stručnom spremom iz oblasti šumarstva i smanji broj nesreća koje su se dešavale prilikom obavljanja radova na sječi drvene mase za ogrijev, koju su izvodila fizička lica-stanovništvo.

U vezi s tim, bilo bi potrebno osigurati da fizička lica koja se bave sječom drveta, poštuju pravila održivog upravljanja šumama, to uključuje dozvolu i praćenje sječe, obnavljanje šuma i zaštitu

biodiverziteta. Sječa drveta može imati negativan uticaj na okoliš ako se ne provodi pravilno. Važno je imati stroge smjernice i nadzor kako bi se izbjegla erozija tla, zagađenje voda i uništavanje staništa. Bilo bi potrebno osigurati da fizička lica koja se bave sječom drveta budu adekvatno obučena kako bi se radovi izvodili sigurno i efikasno. Neadekvatno osposobljena fizička lica mogu vršiti sječu šuma na način koji vodi degradaciji šuma, smanjenju biodiverziteta i drugim ekološkim problemima, s tim da nepravilna sječa može dovesti do erozije tla, što može imati negativne posljedice na kavalitet zemljišta i vodne resurse. Pošto fizička lica nemaju odgovarajuću obuku i opremu za sigurnu i efikasnu sječu drveta, što vrlo lako može dovesti do nesreća sa težim posljedicama i smanjenja produktivnosti, jer bez adekvatne edukacije, fizička lica neće poštovati principe održivog upravljanja šumama.

S tim u vezi potrebno bi bilo uspostaviti stroge propise i mehanizme nadzora i kontrole kako bi se osigurala legalna i održiva sječa drveta od strane fizičkih lica. Samim odobravanjem sječe drveta fizičkim licima povećao bi se rizik ilegalne sječe drveta ako se ne provodi adekvatna kontrola, a svjedoci smo da se u trenutnoj situaciji ne može obezbijediti nadzor i adekvatna kontrola postojećim resursima zaposlenim u sektoru šumarstva (Javno preduzeće „Šumsko-privredno društvo Zeničko-dobojskog kantona“ d.o.o. Zavidovići, Kantonalna uprava za šumarstvo Zeničko-dobojskog kantona i Kantonalna uprava za inspeksijske poslove Zeničko-dobojskog kantona).

Ističemo da će se prilikom eventualnih izmjena i dopuna Zakona o šumama („Službene novine Zeničko-dobojskog kantona“, broj: 8/13, 1/15 i 5/21), razmotriti mogućnost da se korisnik državnih šuma-Javno preduzeće „Šumsko-privredno društvo Zeničko-dobojskog kantona“ d.o.o. Zavidovići, obaveže da formira stovarišta, tj. mjesta za maloprodaju ogrijevnog drveta, kako bi se situacija u vezi snabdijevanja lokalnog stanovništva poboljšala.

Obrađivač akta:
R

Amira Jusufbašić

MINISTAR

Jasmin Čajić